


Kodak Color Control Patches



22.62/3
9430.073
:1

100

100

100

100

光緒二年丙子續修

懷安縣志

續修懷安縣志序

事莫勞於創莫逸於因然已因
亦有勞者乎曰有平地而構連
雲庭何嚮戶何嚮既測景而契
龜矣梓若干陶若干又購材
而運甍矣萬一逡巡而榱桷埴埴

尋將朽泐繫豈非創泊乎鳩工
莅事斷遷於蠹蝕之後掇拾於
薜暴之餘而揀度而朽鏝而藻
聖補苴拮据以觀其成不知者以
為此因也非創也不為勞也其知
者以為即因也即創也是以勞也

吾得而論懷安縣志邑苦兵火
矣秦漢以來割賂紛爭日尋矛
鍛中朝士夫誰適處此及至朱明
之世重臣防禦講武即戎曹爾首
介爾躬而欲鉛槧爾覩記豈可
得哉

皇朝光定區夏窮荒毳幕悉主悉
臣駸駸橐駝銜尾入貢生斯土者
如吻接哺如卵受翼以長以育雨
露最先顧採輯之事尚未肇也
康熙三十三年改衛為縣縣而後
有志始之者三韓殷氏也繼之者

晉陽武氏也平地而構連雲厥功
偉哉惜乎未付梓人委之以去
此吾所謂榱桷垣墉懼其朽泐也
乾隆辛酉前宰濟南楊氏毅然
已任爬羅剔抉博訪周諮攷信存
疑筆削維謹蓋百餘年之承平

故實一旦補苴掇拾以觀其成昔
人謂孤子功不在禹下孰曰後
逸於前哉此又吾所謂因必有勞
也然則逸者誰乎如吾今日之役
是懷自有志後又百數十年士民
食德服疇彌蒸彌盛志官守以觀

政也志戶口以考風也志書院以育
賢也志賓興以勸士也志科舉
以彰才也志節義以勵俗也其
他銖積寸累有獲必書勿祭獺以
掩人長勿攘翰以為己有與父母
質與濫毋巖以類相從行所無事

逸可知已先是楚北廉夫李君

宰是邑延主講程君子鳳為續

志乘事甫舉而李君以奉諱行

山右劉君友梅亦息遽未就余攝

官承乏悉意旁蒐每撰一條即

與程君商榷例循曩詰不敢以輕

心掉恐微瑕污全璧也信之俟後

可不慎歟書成程君曰曷序諸余

曰序敘其事也今日之役無所事

事何敘之有程君曰然逸則逸矣


獨不思未志以前其多事為何

如乎其因多事而飄零兵燹無

籍可案者又何如乎迄今翔洽
太和同風三代於以踵編紀盛用
告來茲安見後之視之不尤逸又逸
哉余躋焉因弁言付手民以箴其事

光緒二年歲次丙子仲秋懷安縣

知縣長白蔭祿士奇氏撰



序

古無志之名自有虞氏肇十有二州夏禹制爲九州
凡山川土田物產貢賦悉著於書而紀載昉焉周禮
大司徒以天下土地之圖周知地域廣輪之數辨其
山林川澤邱陵墳衍原隰之所宜物以及土訓掌道
地圖誦訓掌道方志視昔尤詳郡縣而後如郡國地
志寰宇志記則又殫見洽聞各臻其盛而最善莫如
唐宰相杜佑爲淮南節度使記室時創爲通典其書
由食貨以迄邊防起例分門釐然具備後來取則蔑
以加茲洪惟我

聖朝震疊懷柔罔不率俾方策所載內而一統志三百五十餘卷經緯六合炳若球圖外而省志府州縣志同軌同倫若衆星拱辰萬流匯海幅幘延袤亘古無儔懷安壤接燕雲距京十餘舍風俗政教其見於曩志者纖悉畢周顧自乾隆六年至今又百三十餘載涵濡醲化積而益增比年續修

畿輔通志檄下郡縣各舉所知亦既逐日隨時進之公牘矣竊惟耕當問僕織當問婢守土者苟得所攷鏡斯觀民飾政因時制宜無有鑿柄又况平康正直自在人心愚夫婦一念之真四維以立發微闡隱可勿

亟歟用是延訪旣殷兼資衆力聘主講程君子鳳筆削而分綴之意謂尅期可成事半功倍耳詎料椿庭棄養扶服將歸當此治任恩恩何心潤色然而在三之節夙昔曾聞今茲之舉固臣子服勤義也亦卽膺民社者所同志也一簣之覆忍弁髦乎瀕行書其緣起未暇擇言聊以爲舊政之告云爾是爲序

光緒丙子年又五月下旬前懷安縣知縣楚北松滋

李葆貞廉夫氏留題



序
蒙奚能哉竊歎天下事之留以有待者及其成功前
後如出一轍也毋亦有關運會哉夫邑之有志何地
不然志之增修亦何時不然於懷安乎何異然而不
異而異者則固有說懷安縣志殷氏創於前武氏踵
於後二賢侯者可謂務其大者遠者矣然皆以未梓
行是猶闕乾隆辛酉歷下楊侯舉而行之傳舊繹新
燦然大備勩其事者時則有若錢塘錢孝廉集軒謹
嚴該洽取則春秋望而知爲良史其初續二藁則得
之周生昇家昇亦有功志乘哉錢孝廉者由燕邸應

聘來也其自序云長書院士不果行迺從事於志殫思畢慮竭數月之勞校讐善本後有作者弗可及已蒙奚能哉憶自壬申歲出都游萬全縣幕懷邑侯李君廉夫介全宰聘主院席癸酉乙亥肄業生連捷秋闈論者謂微侯之嘉惠不及此顧余漢南下士五上公車且譴陋空疎而不堪中選也何足以擁皋比談帖括哉帖括可矣又何足以塵汗簡壽災梨哉今年春李君謀增舊志集邑人士公聘余贊載筆余愿焉不獲辭乃握管以赴未幾李君以聞訃去官山右劉君友梅代理月餘亦未竣夏五月今長白蔭邑侯莅

任侯淹雅名宿也下車披圖攷俗計纂志之日距今百數十年其間政治之蹟民物之蕃學校之興選舉之目與日俱增最重如節孝獨行失今不傳久將滲漏因趣余曰子速諸匡其不逮是在子矣余維拾遺補闕義取析疑守轍循途章宜由舊非惟不敢妄作而實不必作也爰取舊志酌損酌益各目弁以數言匪飾虛車通變以宜時耳至於網羅檢校同學孝廉宗子景騫實躬其煩其或一二未安則以邊邑絕少藏書今所取證者前人已先我而行之與其滋疑毋若存實然益歎前賢之於是役爲不苟矣余不敏賴

今邑侯隨時商訂相與有成是李君劉君所未竟者
猶之殷武也李君劉君未竟而今邑侯竟之猶之昔
邑侯楊也楊侯之德載在曩乘民歌詠之今邑侯數
月之間輿誦交作其經濟又烏可量哉宗子景騫較
昔周生其勞十倍獨余從容紀述無所見長視昔錢
君相去無算第橐筆來茲本末始終暗與錢合毋亦
有關運會哉則信乎天下事之留以有待者及其成
功前後如出一轍也蒙奚能哉

光緒丙子仲秋下浣楚北孝感程燮奎拜序



原序

懷安漢夷輿地元魏時爲懷荒巨鎮歷耶律金元稱
北方雄要明時設重臣建節宣雲地居兩鎮之交偉
績豐功被斯土者尤盛顧壤居邊塞俗尙武功士之
懷鉛握槧者罕所託跡而服官蒞政者又以疆場事
殷無暇爲編摩訂削之業致令舊聞不彰往事湮忽
可惜也間嘗行部經循其地觸目新眺雲頭白腰諸
峰蒼翠如列几案洋河一水混混而來竊歎山川靈
祕會有時而發而猥以才弱未克網羅放失勒爲一
書以備輶軒職志用是耿耿非一日矣歷下楊君宰

是邑之三年政修人和始有事於搜葺乃於陳編蠹蝕之餘得舊人殘冊黯湮踏駁剗斷橫決君延名宿相與商略異同伴繫而寸度之更益以其所未備事取其覈實者辭汰其複重者凡三閱月書成計若干卷於是而一方之掌故犁然備焉君於茲役可謂無負職業矣古之良吏其爲治也必先知其習俗之所尙風土之所寓以及昔人得失之所存而後飾之於政無偏倚違反之弊邑乘者亦學古入官之距墨也逸詩云周道挺挺我心扃扃講事不令集人來定夫講事也而集人以定君子韙之矧其援古以證今且信今以貽後其爲功也不益愈乎此邑志之所以不可不作也雖然有爲君慶者昔酈元水經一注析於北而淆於南程大昌作雍錄往往多傳聞之誤識者不無遺議君幸值

太平盛世牽絲邊邑簿書之暇從容諮訪其論撰皆履轍所經無耳食之誤使後之讀書者快然無憾則君亦可以無憾也而余於披對之下亦有藉以慰夙昔未酬之願其樂觀厥成又何如也是爲序

乾隆六年歲次辛酉冬十月中澣分守口北道按察使司僉事錢塘金志章

原序

古者列國皆有史官掌記時事郡縣而後史惟職之
朝廷四方時事輶軒採之稍有遺逸則亦無所參稽
守土者間慮及此迺仿周官土訓道訓遺意各以其
所觀記志於其書以守一方之籍以備輶軒之採蓋
志亦綦重矣哉懷安故幽朔地上世邱索泯芴前明
始設衛所隸京師

國朝康熙三十二年迺改置爲縣然百十年來政令掌
之官司賦粟籍之輿編土俗見之風謠文章禮樂傳
之遺族故家凡在直省爲統志爲省志爲郡志邑志

莫不朝有成書野有定本獨懷邑之志闕焉未詳己未之歲余自龍門量移茲邑慨念是爲邑所當務會政之未間嘗與邑士夫咨嗟往復久之乃獲周生昇所藏前宰殷氏志藁於故牘中又獲晉陽武氏續藁後先展閱亦約畧有可表見然皆惜以未訂梓去其所遺藁日久漸且舛訛也越歲辛酉郡太守王公檄下州縣纂修志乘適余數以是請旣奉檄欣然爲其所得爲遂延聘錢塘孝廉集軒錢君開局縣署西偏發篋陳書網羅放失舊聞始就殷武二藁講去其非而求其是又本之列代史參諸鎮志參諸通志參諸

鄰郡邑志綜覈紛紜務在徵疑考信斷以義例約爲二十四卷凡四閱晦朔而書以成於戲天下事志之非難志之而無可志之難也夫人於著作之林書不能以盡信輒自摺摭動易支離轉轄又况並此不能盡信之書渺不可得僅於零文斷簡竊取一二漫漶徵之編年別錄異地襍傳斤斤爲之補綴爲之雕鏤如是而欲訂其繆盭擇之精而語之詳豈不難哉豈不難哉然而焚膏矻矻不敢憚勞舉夫政令之掌賦粟之籍風謠之紀文章禮樂之傳所爲百十年來闕焉未詳者亦幾幾乎可以守一方之籍備國史之採


矣而獨有所重念焉者懷雖邊境近京師乃五百里
教化易究昔文翁刺蜀澤以詩書偃宰武城治以絃
歌使密邇

畿輔顧且仍安樸僿詩書之澤不長絃歌之治未洽抑
或囂凌愚憚以煩教訓也可乎哉方今

聖天子蒸蒸禮樂疊沛文思遍於海隅日出罔不率俾屬
在親炙之地爲令者方當與斯士斯民共游於涵育
薰陶之內鼓舞文明之化以庶幾仰副中天之治於
萬一則於斯志之作蓋不禁三致意焉若夫筆墨鉛
槧之煩則固自知身爲其難聊以爲後此者之嚆矢

云爾是爲序

乾隆六年歲次辛酉夏六月下浣之吉懷安縣知縣
濟南楊大崑玉峰氏題



齊南野大皇王制五

辛酉六月...

...

原序

辛酉之歲懷邑侯楊君介上谷太守王先生招余燕
 邸先是王先生與余叔學使者香樹先生約將延余
 長書院士不果行至是乃以其郡邑志相屬而楊侯
 亟以聘來不獲辭迺橐筆歲事余惟志史類也夫人
 作一代之史必具有一代之識然後是非明而褒貶
 定作一邑之志必萃有一邑之觀然後得以徵往事
 而思來者古之學者載籍極博猶考信於六藝蓋不
 敢苟於著作若是也以余弁鄙既齷齷無文而懷介
 邊邑自明以來因循且數百載掌故迄無可考康熙

懷安縣志 卷首
四十六年前邑宰殷氏稍稍撰叙又未經訂是其所
存藁日漸零軼其傳聞劉呂之誤益以匪鮮其後此
著述終已無聞則所謂一邑之觀於何萃矣余自二
月杪來志局早夜與楊侯考訂惟恐忘己事之已拙
而又不敢苟且云爾也迺悉意網羅遺書於諸聞見
必本諸府志以求其合必參諸省志以觀其通必要
諸歷代史傳以徵信而考疑每一藁出與楊侯參互
往復然後付鈔胥凡四閱月三易藁而志成昔宋熙
甯中有常州守召對至京師問以錫山遠近其人無
以應神宗謂其爲守臣而不知境內山川則其爲政

可知朱文公涖南康甫至輒問郡志君子謂其知所
當務侯之爲志不獨紀其山川舉夫一邑之徵往而
思來者一一具見觀於此其侯之政之次第節目今
日徵之於邑異日以炳史冊卽斯可觀矣侯誠知所
先務者哉侯名大崑字玉峰嘗令龍門其惠政一如
在懷時太守王公名者輔字近顏清勤率屬盤錯益
堅侯之介於太守以屬筆於余蓋亦可觀相與之致
也已志凡二十四卷鏤版藏諸邑齋
乾隆六年辛酉季夏錢塘錢戢曾拜序

懷安縣志凡例

一懷安縣志創自本朝康熙四十五年殷武二藁均未鈐梓至乾隆六年前令濟南楊氏始編定付刊計距今百三十餘載急宜增修俾資掌故因廣爲蒐輯分綴於篇而以八綱統之間取原刻諸目并附以歸簡明例仍其舊省力多多矣

一方輿志懷邑隸上谷的係尾星分野前宰殷武俱以界連雲中兼占昴宿然皆出於揣測無攷證也獨楊氏之說確乎可宗今從之而於殷武二說不復置辯至沿革疆域山川向已蒐討盡善其闕疑處畢竟無

懷安縣志 卷首
籍可徵仍存待攷形勢古蹟附焉

一建置志城池爲重而墩鋪橋梁附之者衛民必便民也文廟公署旣詳其創建重修復紀其舊設今廢而庫局倉廩營房坊表郵政附之者臨民當庇民也士爲四民首學校特隆卽書院義學均關教育自可類記惟祠祀則先祀典次古刹餘不濫收以符往例蓋凡有興作物力存焉故彙登之

一食貨志田賦隨墾除爲升豁代徵雜稅久則不無變通自宜詳覈戶口已均入田賦今仍增編者稽民數也又因添設書院賓興兩項將各條規錄附公用項

下立爲經費一門以便觀省而風俗之可覘奢儉方產之有合土宜灾祥之足驗豐耗者準以類書

一武備志案現在經制核實分注而裁復改設必詳其起訖故仍前志斷自有明以備參攷懷安爲燕雲孔道乘傳絡繹茲與軍制合卷者邊邑要衝捍衛收圉自不可忽也

一秩官表懷自改縣後吏治蒸蒸各任卸有卷可核其已裁各職援前志例分錄而以名宦附之武職武畧準此

一選舉表明以前無所考依前志以次遞書俾歸合一

他如例貢例監實繁有徒擇其曾經觀光者錄之餘不備載

一 人物志除生存例不得錄外凡論定者有善必書悉遵前志惟節孝最關風化但取年例相符無論已旌未旌隨訪隨錄庶貞松堅石彤管常輝矣

一 藝文志凡經濟文章與有關斯邑者前志已載茲擇其稍雅者續之以備一格而庸陋者概不濫登詩古類是

一 志餘前志另編外記一卷以補志之不足如故老流傳理之所有雖無從取證亦備志之以俟博雅之君子

懷安縣志續修姓氏

續修

懷安縣知縣

蔭 祿士奇

協修

議叙候選知縣

程燮奎子鳳

湖北孝感人

監修

懷安縣學教諭

劉鳳鳴文佩

直隸束鹿人

候選訓導廩貢生

宗光熹堂暖

邑人

候選訓導歲貢生

馮兆吉謙齋

邑人

附 貢 生

徐登甲子先

邑人



參訂

覺羅教習癸酉舉人宗孝培景

邑

人

校錄

癸酉科拔貢生

申敦信誠齋

邑

人

繕藁

恩貢生

劉儒雅宜

邑

人

廩膳生

黃用中少虞

邑

人

監梓

懷安路都司

博崇武瑞卿

滿洲正黃旗人

懷安縣典史

謝樹森旭林

安徽天長人

採訪

己酉科拔貢生

趙邦正端林

邑

人

辛酉科拔貢生

趙鶴齡芝田

邑

人

儒學附生

賀文敏

邑

人

附貢生

馬文選

邑

人

儒學附生

樊再傳

邑

人

儒學附生

馬萊蓬山

邑

人

甲子科武舉

賈忠

邑

人

儒學附生

王時中

邑

人

儒學增生

馬履坦原道

邑

人

乙亥科舉人 楊永培元體 邑人

儒學廩生 閻效麟 邑人

儒學廩生 王謹猷 邑人

儒學附生 李璋 邑人

儒學附生 楊子魁 邑人

儒學附生 劉廷佐 邑人

懷安縣志 纂修姓氏 員 劉之憲 邑人

纂修姓氏 員 景南 邑人

纂修 員 景南 邑人

對懷安縣知縣楊大崑玉峰 山東濟南人

編修 員 邑人

揀選知縣壬子科舉人錢戢會集軒 浙江錢塘人

監修 員 邑人

懷安城守都司孫至剛元作 江西彭澤人

參修 員 邑人

懷安縣儒學教諭曹運有謨 直隸固安人

校梓

懷安縣典史施有典

浙江餘姚人

萬全驛驛丞胡鴻

南濱

山東籍浙江人

繕寫

儒學武生喬峻

岳望

邑

人

張仰說

企燕

邑

人

採訪

王子科副榜張文英

裕中

邑

人

儒學廩膳生員張如栻

景南

邑

人

儒學廩膳生員阮憲

邑

人

儒學武生王之屏

邑

人

儒學附學生員陳天第

邑

人

懷安縣志原藁姓氏

初藁

前任懷安縣知縣陞陝西涼莊道殷邦翰

奉天鑲白旗人

同訂

歲

貢

生

林

盛林

湖廣楚黃人

續藁

前任

懷安縣知縣武一韓

山西太谷人

拾遺

儒學

武生

周昇

邑

人

沿革 卷之二 建置志

沿革

沿革 卷之二 建置志

沿革

沿革 卷之二 建置志

沿革

沿革 卷之二 建置志

沿革

懷安縣志

懷安縣志目錄

卷之首 歲時 式章訓

圖序 書刻 圭息 寶興 圭息 谷神賦訓

凡例

卷之一 方輿志

星野

沿革 形勢附

疆域 書刻 葬學訓

山川 古蹟附 食風 營風 社稷 地經訓

卷之二 建置志

城池 墩舖橋梁附

公署 庫局 倉廩 營房 坊表 郵政附

學校 書院 義學附

祠祀

卷之三 食貨志

田賦

戶口

經費 書院生息 賓興生息 各條規附

風俗 歲時 方產附

災祥

卷之四 武備志

軍制

驛站

卷之五 秩官表

文職 名宦附

武職 武畧附

卷之六 選舉表

文科

武科

卷之七 人物志

懿行

列女

卷之八藝文志

雜著 疏攷序傳記


雜詠 詩古

卷之終


志餘 懷安八景附


輿圖

長子縣志
卷之四




四境圖








城池圖






縣署圖



文廟圖








八景




洞天煉藥


















班石長春






碧潭映月





溫泉冬沸



懷安縣志卷之一

知懷安縣事長白蔭祿續修

方輿志

分野

分野之源權輿三正保章氏邈莫測幽遐漢時甘石
 所存僅人正耳沿訛襲謬奚止百家故往往歧出為
 勝不知更隸無定而次舍有定據臆以為斷鮮有當
 者懷安隸宣府燕分歷稱其星占尾明宣德五年置
 萬全都指揮使司以懷安諸衛所屬之其統志云永
 平延慶保安萬全都指揮司天文尾星分野是懷安

占尾由來舊矣前殷武二志兼取占昴惟濟南楊氏
 援主祀之義正之其理平易近人確乎可據夫衆星
 體生於地精成於天分野云者指列星所屬之分而
 言鄭氏所謂星所主土者是非謂地之在北者其分
 野在天亦居北也又非若犬牙相錯疆析而界劃也
 卽以近雲之故謂懷邑並占大梁究屬意揣則與其
 求之旁次而穿鑿以滋其疑曷若按其主星而元本
 以堅其信乎茲據上谷入尾一度斷之懷安距郡百
 二十里在尾之餘舍凡日月運行五行經次之有關
 休咎者仍於主土之尾占之而兼昴之說其亦可以

存而不論矣

漢史記尾箕幽州 張守節正義曰尾箕爲析木之津
 燕分野今考之順天河間占尾箕宣府占尾

漢志燕地尾箕分

晉志自尾十度至斗十一度爲析木 張衡云尾箕燕

幽州上谷入尾一度

唐志初尾七度餘二千七百五十杪二十一少中箕五

度終南斗八度自渤海九河之北得漢廣陽上谷

宋志尾九星去極一百二十七度半 龜五星距南第二

四度半入尾宿十度魚一星去極一百二十六度入
 尾宿十五度半傳說一星去極一百八度半入尾宿

十四度

金史尾三度九十七分九十二秒外燕分元史尾三度一分一十五秒入析木之次

明一統志萬全隆慶保安天文尾分野

宣鎮志東方蒼龍二宿次六爲尾於辰在寅於州爲幽

隋丹元子步天歌

尾宿

九星如鈎蒼龍尾尾下五星號龜星尾上四橫天江是尾東一星傳說名傳說東畔一魚子尾西一室是神宮所以列在后妃中

附昴星

七星一聚實不少阿西月東各一星阿下五黃天陰名陰下六烏菟藁營營南十六天苑形阿中六星名卷舌舌中黑點天讒星礪石舌傍斜四丁

前宰三韓殷氏曰按步天歌言尾及諸雜座之名與形已具在是至其占法前志云日有災變以孟冬月占月有災變以孟夏月占蓋孟冬之月日在尾故十月朔日食則占主尾分孟夏之月日在畢夫日在畢則月在尾故四月望月食亦主尾分懷安爲宣之屬邑宜占尾矣但藐茲一邑東北爲宣

之餘壤而尾宿已盡西爲大同之交界而昴宿已
聯若籠統屬燕拘墟驗尾恐占變未必昭合也茲
於列具尾圖之外綴以昴宿庶使達觀者可旁通
考之以上察災祥下稽時政而徵驗得矣
前宰晉陽武氏論曰分野之說不可拘也懷以藁
爾邑西去天鎮枳兒嶺直一舍許過此盡雲中趙
地北距長城六十餘里其外皆蒙古部落居之推
步者以大同及蒙古諸地不占畢而獨占昴則懷
之西北二境於昴最近也第宣府今隸燕京而懷
安又屬宣府宣化占尾尾在燕分漢魏晉唐悉仍

其說金人明人亦主尾宿必有據矣所疑者分野
之辨以星之經緯纏度爲推測耳確非畫界而守
枳嶺盡處尾宿亦盡而無餘也夫以尾之餘緯可
以及雲而謂昴之餘緯獨不及燕誰其信之則懷
安者尾昴之交於懷有占以尾爲主而以昴參之
不兩得也亦必不至兩失也

前宰濟南楊氏曰唐一行以兩界分山河以斗爲
綱以雲漢爲紀析木居天之良得雲漢末派爲北
紀之窮而燕窮北紀之曲故以末派之析木爲燕
唐法象志膚齋十一藁嘗闡其論上谷屬燕之幽

州入尾一度而懷安屬宣府宣府屬上谷上谷屬
燕周秦以來未之有改則以上谷統宣以宣統懷
其爲燕分析木之次占尾無疑矣若以其地接雲
中舊嘗更隸誤稱占昴殊不思更隸乃後人轄治
起見苟求其故則其爲燕之野固不可易也卽如
蔚州向隸雲中今改隸宣府蔚縣志則稱爲燕分
屬尾箕而疑州之稱趙分未明挾其誤考漢書地
理志雁門於天文別屬燕燕地尾箕東有漁陽右
北平遼西遼東西有上谷代郡雁門南得涿郡之
易容城范陽北新城固安涿縣良鄉新昌及渤海

之安次皆燕分也蔚州故代郡代王城在焉則其
爲燕之分野已不待深辨晰矣夫以蔚之素隸雲
中者尙不可舍燕分而占趙分而謂偶爾更隸之
懷安而越燕而跨趙占入大梁其可乎善夫杜預
之注左傳也謂高辛遷閼伯於商邱主辰遷實沈
於大夏主參商邱豈有當於辰大夏豈有當於參
而主辰主參蓋主祀也主其祀而星之占應焉卽
分野之星於是乎定而歲星所封五星所舍命國
之論舉可廢矣是又豈僅爲區區之燕之分野辨
乎哉

沿革

形勢附

九州之險不一姓邑無小苟值要衝勢不如奔荆榛
而衽席其難乎懷安處燕晉夷庚旃裘之鄉與壤相
接曩者亦多故矣秦漢而下曰鎮曰軍更置各異元
明之世曰路曰衛隸屬畧殊推原其故大率因時制
商宜防禦惟棘我

朝肇造區夏聲教覃敷重譯款關商周盛軌自改衛爲
縣坐甲之士咸卽耨鋤控弦之夫亦敦詩禮宜乎金
甌鞏固永永萬年矣顧隸近

邦畿爲居庸西障壤地褊小亦控馭之輿區孰謂僻在

邊陲無關形勝而遂狃於居安乎故仍前志歷叙沿革自禹貢始而以形勢附之俾指授方略者得以披圖而索焉

禹貢冀州之域

商 屬冀州

周 屬幽州 赧王時燕置上谷郡築長城至燕王喜

八年割山後地與趙相易應屬趙 按燕王喜八年割武陽平舒易

龍兌龍門臨樂與趙易武陽不可考平舒在今廣靈縣西俗呼平水城龍兌漢書註曰即龍山龍門

即今遵化縣西北石門也臨樂漢書註曰在幽州同安縣

秦 始皇二十六年分天下為三十六郡屬上谷郡

漢 初屬上谷郡 武帝元封元年為夸輿縣屬幽州

攷宣鎮志元封元年分天下為十三郡更郡守部為太守其屬縣治以令上谷郡屬幽州部領縣

十五一曰夸輿注夸輿今懷安衛按此置縣之始

後漢光武建武十五年復屬上谷郡縣尋省 獻帝建

安十八年省幽并二州歸冀州 二十五年魏不

篡漢復置幽并二州是時府地屬幽州縣地沒於

匈奴

晉 武帝太康元年分上谷地置廣甯郡 成帝咸康

四年沒於後趙石勒 穆帝永和六年沒於燕慕

容儁 帝奕太和五年沒於秦符堅 孝武太元

元年沒於後燕慕容垂 二十一年沒於魏拓拔珪

宋 順帝昇明三年元魏合上谷廣甯為東燕州改其

縣下落曰文德 按宣鎮志下落今鎮城遼史地理志文德縣本漢女祁縣地元魏置

唐為武州遼屬歸化州高勳鎮燕奏分文德縣地置懷安縣

陳 武帝永定二年北齊改東燕州為北燕州

唐 太宗貞觀八年改北燕為媯州其武州西沒於突厥者咸取之屬河北道是時縣廢為懷荒鎮 按遼史地

理志懷安縣本漢夸輿縣地歷魏至隋為突厥所據唐克頡利縣遂廢為懷荒鎮 元宗

天寶二載改媯州為媯川郡山後諸縣屬之其武

州仍領縣文德 穆宗長慶二年置為懷安縣屬

新州 按宣鎮志長慶二年改媯川郡為媯州領縣一懷戎改涿鹿為新州領縣四永興礬山龍

門懷安按此懷邑得名之始 武宗會昌年置山北八軍新州

曰武定軍縣屬武定軍

後唐莊宗同光二年改武定軍為威塞軍 潞王清泰

三年晉石敬瑭割山後諸州賂契丹契丹建國號

曰遼是時縣地入遼屬奉聖州尋改屬大同府隸

西京道

宋 真宗祥符七年契丹分歸化地置德州 德州今領左衛地

縣四一懷安 即今一威甯今縣左衛西北。按遼史歸化州本唐之武州

宋

遼改名歸化州領縣文德後分文德地置懷安縣屬奉聖州尋改縣屬大同府其德州唐會昌中以西德店置遼開泰八年以漢戶復置領縣宣德故漢桐過縣地遼地理志並無分歸化地置德州及領縣四之文茲本宣徽宗宣和四年金陷契丹鎮志錄之當俟考正

舊武新嬌等州以其地來歸六年復陷於金仍

屬西京路孝宗乾道三年金改歸化州為宣化

州

復更為宣德州省德州以所屬縣屬之按宣德即今府

城舊為文德縣即漢下洛縣故地金大定二十九年更名光宗紹熙三年金

置撫州尋升為鎮甯軍領縣四一集甯今縣西北一威

甯今縣東北。按金史明昌三年以春市場置集甯縣成安二年以撫州新城鎮置威甯縣稽其

地理疑與今縣無涉聊仍宣鎮志書之俟考理宗景定元年陞撫州

為隆興府割宣德之懷安等縣屬之

元 初屬宣德府 中統三年改屬興和路

明 洪武二年取興和路三年宣德諸郡縣皆平徙其

民居庸關改宣德曰宣府縣廢 二十六年置懷

安衛於懷安廢縣之西二十里即今縣治以北平都指

揮使司領之 永樂十六年革北平都指揮使司

衛隸京師 宣德五年置萬全都指揮使司以懷

安諸衛所屬之隸京師如故 正統三年宣府設

巡撫都御史統轄關外之諸衛地方 成化十年

置分守西路參將於柴溝堡以張家口萬全左衛

膳房新河口屬上西路洗馬林柴溝西陽河懷安屬下西路 崇禎八年以上下西二路並懷安南界之南山路隸分守道

國朝順治八年以懷安衛屬萬全都司裁宣府巡撫柴溝堡參將等官 康熙四年改隸山西尋仍舊

二十七年臺臣條奏衛所歸併州縣部覆仍舊存留 三十二年改懷安衛爲懷安縣併左衛柴溝堡西洋河附之屬宣化府隸直隸保定布政使司 道光二年改萬全驛丞設巡檢駐柴溝堡

形勢

明都御史韓邦奇請城險要論畧曰李信屯宣府咽喉也其地兩山俱盡緊與大同接壤不惟止遏北兵亦可潛消意外

明都御史許 論防守要害畧曰宣府山川糾紛地險而狹分屯建將倍於他鎮去京師不四百里鎖鑰所寄要害可知西路之柴溝洗馬林萬全諸城皆稱敵衝警屢至焉則築李信屯交界之堡以固兩鎮此豈容已乎

明兵部尙書翁萬達擇要併守議畧曰宣府大同外連極塞以捍蔽乎內山西保定內峙諸關而藉庇乎外

懷安縣志 卷一
故四鎮均爲重地而宣大急焉宣大宜以戰爲守擇要地而屯兵諸關亦以守代戰畫界限而聯戍

又曰敵入陽和則白登村爲屯兵之所足以南遏順聖之驅西援天城之急又萬全左衛懷邑屯兵則敵不敢東而大同鎮兵自西出邀擊之一奇也 又曰

宣府張家口洗馬林西洋河諸處爲敵衝要且與大同天城接境西垣旣成東垣不舉敵將避固攻瑕則得之大同者失之宣府矣 又曰宣化西路洗馬林西陽河者兩鎮接境也地不可棄兵必有援修宣府疆域而置大同戍卒於絕地不恤大同也便大同應

援而置宣府西陽河於境外不恤宣府也是故居常戍不備罪大同大同有警而宣府西路不以兵至垣下應援者罪宣府

宣鎮邊垣形勢總論曰宣鎮險隘若北路之獨石口爲全鎮極衝至西路之張家口西陽河又稍次焉其餘則衝緩相半蓋北路爲延甯之藩而西路則宏聖之肩也

前宰三韓殷氏下西路形勢論曰洗馬林柴溝堡西陽河三堡極衝渡口次之蓋本路當西北之要衝爲東北之屏障若李信屯設在偏壤懷安城四達通衢距

懷安縣志 卷一
邊甚邇不可與上西路異視也 又曰明太祖既下
宣府諸地命參政傅有德都督劉真指揮使李彬等
審視宣鎮要害區畫分疆東連古北大甯北連開平
興和西連大同設官守禦之今懷安所併之柴溝西
陽以及舊衛所屬之李信屯基趾俱在形勢可稽雖
中外一家防禦可以不事然安不忘危控制之遺蹟
不可廢也

懷安形勢總論

懷安當宣府西陲一面扼雲谷之衝洵重鎮已所屬
之西陽河堡在縣治西北極邊尤嚴鍵鑰柴溝堡與

萬全之洗馬林相望雖在邊境內地亦屬喫緊而渡
口堡次之左衛尤次之惟李信屯處柴溝懷城之交
爲西北隅中權以一旅當之首尾咸應而宣郡屏藩
之固組練密焉昔人所謂李信屯宣府咽喉也幸逢
寰宇鏡清斥埃無警區區尺地譬一葦之在河廣耳
然萬全之算雖安不忘憑高而四顧之當知設險之
大有在也爰規其大畧總括於編庶舉綱得綱瞭如
指掌

疆域

周禮形方氏掌制邦國之地域而正其封疆論者遂
爲度地之始漢時班固作地理志凡郡國必詳其四
封則又地志之始申畫郊圻誠亟務哉彼夫通都大
邑市廛鱗比四方行貨輻輳其間不問而知其民物
之繁幅幘之廓也至若苦寒邊僻土瘠山童寥落井
閭原無足怪然而十年生聚十年教訓猶有可觀而
况近首善之區涵濡休養至速且久乎第生息有加
在巘在原墾田卜築者不無增置或瀕河避險遷地
爲良或併附結鄰資其友助固有昔廬井而今原田

者嘻里黨且然矧一同而遙屢經更置者歟故續而修之以爲撫字催科者之記里車云

縣城

東至太平寨宣化縣界八十里

南至馮奈莊西甯縣界四十五里

西至枳兒嶺山西天鎮縣界三十里

北至柴溝堡邊垣界九十里

東南至北口堡宣化縣界三十里

東北至許家莊萬全縣界八十里

西南至馬家溝山西天鎮縣界五十五里

西北至李信新屯山西天鎮縣界三十五里

東西廣一百一十里

南北袤一百二十五里

東西南北方圓共四百五十五里

東至

京師四百八十里

東南至保定府城八百一十里

東至宣化府城一百二十里

南至西甯縣治一百二十里

西至天鎮縣治六十里

北至張家口一百里

西至殺虎口四百四十里

東至獨石口三百八十里

東至居庸關三百五十里

西至山西大同府二百四十里

東北至萬全縣洗馬林口八十里

縣東村莊至縣里數

後所堡 二十里

西韓家屯 十五里

磨泥灣 十八里

舊名東靖臺

左所堡 十八里

董家灣 十八里

黃家灣 十里

塔兒村 十五里

曹家莊 十五里

南張家屯 八里

楊家莊 二十里

瓦窑口 十五里

官莊子 二十五里

楊家屯 十里

九旗山 二十里

小莊子 二十五里

何家窑 二十里

西北口 三十里

李家溝 三十里

強地 十六里

舊名朱家堡

俞家屯 十二里

鈕家窑 三十里

舊名王鈕窑

小屯堡 十里

前所堡 十里

左家窑 十里

新添

一堵牆 二十里

南胡家屯 十八里

白家窑 十五里

少欽大屯 十八里

北頭百戶 二十二里

耿家屯 二十里

邵家窑 十里
今廢

上係小東面

太平莊 三十五里

南九場 三十五里

小鷓子水 四十里

大鷓子水 五十里

常家溝 五十里

冀家窑 五十五里

閻家嶺 五十五里

許家高山 五十里

陳家窑 五十五里

流水溝 五十里

南賈莊 六十里

上王莊 二十五里

三十里店 三十里

牛家莊 二十七里

牛家窑 二十七里
新添

南頭百戶 二十里

二百戶 二十里

自在溝 三十里

寨溝窑 三十里

秦家寨 二十五里

徐杜窑 三十里

朱家莊 四十里

段家窑 四十里

高家窑 三十里
舊名王家堡

劉家窑 三十五里

西王家窑 三十里
新添

陡坡堡 五十里

魏家辛窑 五十五里

纏道堡 五十里

黃家寨 三十五里
新添

第五窑 三十五里

第六窑 三十五里

第十梁 三十里

東北口 三十里

舊懷安 二十里

馬牌溝 二十三里
舊名趙家窰

南趙家窰 二十五里

謝家窰 二十五里

閻家溝 二十五里

南堡裏 二十里

李家窰 三十里

西廉家寨 二十五里

牛角堡 三十里

第三堡 三十里
新添

獅子口 四十里

南李家莊 三十里

郝家窰 三十二里
新添

和尚溝 四十里

東韓家屯 三十二里

高家寨 三十里

東灘泥溝 二十二里

岳家圪洞 二十五里
今廢

黃家辛窰 四十里
今廢

趙家梁 四十七里
今廢

張英窰 二十里
今廢

張家窰 二十二里
今廢

上係撥左面

左衛城 六十里

七家房 六十五里
新添

東塔兒村 一百里

甘莊子 九十五里

前所寨 九十里

東王家窰 八十二里

西莊子 九十里

兩旗屯 七十里

劉貴賢 八十里

鄭家溝 八十五里

山王莊 八十里

呂家莊 一百二十里

水溝寨 九十里

卜興莊 八十里

和尚莊 九十里

太平寨 八十里

西家屯 七十五里

上閻家堡 七十五里

丁家山 七十五里
舊名丁家窑

許家莊 八十五里

張家房 八十里

北李家莊 一百里

閻家新窑 七十五里
新添

腰站堡 七十五里

辛莊堡 八十里

陳家堡 八十里

下閻家堡 七十五里

劉家堡 六十五里

中閻家堡 七十二里

東趙家窑 六十五里

東胡家屯 六十里

冀家莊 六十五里

張家窑 六十里

沙河墻 七十五里
新添

下菓園 五十二里

上菓園 五十五里

中菓園 五十二里

燒高家窑 五十五里

岳家新窑 四十九里

喬子溝 四十五里

牛心川 五十里

葉家莊 四十九里

夏家屯 四十里

正王莊 八十里

化皮嶺 七十里

殷房堡 七十里

南廉家寨 七十五里

毛家坪 六十里

石坡堡 九十里

南窑莊 九十五里

水泉梁 九十里

形家窑 七十里
今廢

上係大東面

縣西村莊至縣里數

七里店 五里

十里舖 十里

朱家屯 十里

柳南窑 十七里

羊房寨 十七里

右所堡 八里

西寺劉家溝 二十二里

王虎屯 二十里

黃家窑 二十里

油房灘 十二里

煖店 十五里

北瓦窑 四里

下羊房 十五里

窑子頭 十七里

東西寺溝 二十里

上下井溝 二十五里

西李家莊 三十里

中所堡 十八里

張玘西屯 十里

永泉堡 二十里

榆林屯 十五里

枳兒嶺 三十里

郝滿莊 三十里

李信舊屯 三十里

北李家莊 三十里

西界臺 二十五里

上係西面

下王屯 十八里

團山堡 二十五里

位凝莊 三十五里

張家窑 三十里

李信新屯 三十五里

黃家莊 三十五里

史家莊 三十五里

白玉莊 二十五里

縣南村莊至縣里數

水溝口 十二里 新添

山旗屯 十里

王家窑 十五里

馬家窑 十五里

蓮花石 十五里

蔓菁溝 十八里

蓆蔴溝 二十里

穆家河 二十五里

塔岩寺 三十里 舊名塔石寺

下水松溝 三十里

李家坡 三十里

上水松溝 三十二里

董家溝 三十二里

臺家坪 三十五里

王會莊 三十五里

馮奈莊 四十五里

趙家窑 四十里

側楞溝 四十里

閻家梁 四十里

黃土嶺 四十里

大莊科 四十里

十字河 四十里

胡家窑 四十五里

李家溝 四十五里

辛窑子 四十五里

喬家窑 四十五里 舊名喬子溝

高家寺 四十五里

南灘泥溝 五十里

南高崖 五十里

殷家窑 五十里

耿家梁 五十里

李家梁 五十里

左所溝 五十五里

鄧家陽坡 六十里

大老溝 六十里

南井溝 六十里

馬家溝 六十里

東西草溝 七十里

富家寨 三十里 今廢

倒回溝 四十五里 今廢

上係南面

縣北村莊至縣里數

北黃家窰 五里

楊家窰 八里

武玉寨 十五里

梁家窰 十八里

趙家坡 十八里

任家窰 二十五里

西沙城 三十里

王龍莊 二十里

北顧家窰 八里

第九屯 九里

郭家窰 十五里

安家溝 十八里

閣龍莊 二十五里

朱家窰 二十里

東沙城 三十里

唐家窰 二十里

閻家溝 三十里

田家莊 三十里

王家坪 三十五里

新高崖 三十里

張王窰 三十里

北高崖 三十五里

張家場 三十五里

黃榆溝 三十五里

北莊堡 三十五里

雙星堡 三十五里

莊科寺 四十里

花山堡 四十里

水澗屯 四十里

西灣堡 四十里

南辛莊 四十里

范慶莊 四十里

向楊村 四十里

西顧家窰 二十五里

上係小北面

柴溝堡 五十里

張家窑 五十五里

桂家窑 五十五里

馬家新窑 五十五里

李家窑 五十五里

袁家窑 六十里

新添

崩崙屯 六十里

東洋河 六十里

羊窖溝 六十里

孫家窑 六十里

北辛莊 六十里

紅淺溝 六十里

黃鑾莊 六十里

北沙城 六十里

老龍灣 六十里

西楊家窑 六十里

興隆窑 六十里

富民溝 六十五里

新堡 六十里

沙家屯 六十五里

新添

舊名趙家新窑

良民溝 六十五里

閻家大寨 六十五里

皮家梁 七十里

金家莊 七十里

遂家窑 七十里

阮家窑 七十里

趙家窑 七十里

板山窑 七十里

甘莊子 七十里

西陽河堡 九十里

渡口堡 七十里

扒齒溝 七十里

西平山 八十五里

盤道窑 八十五里

總鎮臺 一百里

馬家窑 一百里

小桃溝 一百里

韭菜溝 一百里

瓦溝臺 一百里

治家莊 一百里

大桃溝 一百一十里

五柳村 今廢 六十里

東楊家窑 今廢 六十里

于家堡 今廢 六十里

楊家窑 今廢 六十五里

阮家新窑 今廢 六十八里

馬家窑 今廢 七十里

八家莊 今廢 七十里

井溝窑 今廢 七十里

雙郎溝 今廢 九十里

寨兒溝 今廢 一百里

三道壕 今廢 一百一十里

上係大北面

以上統共二百九十九村內 今廢二十村 新添二十一村

邊界

柴溝堡邊自平魯西小墩起至擒彝墩長四十里

渡口堡邊自牛心山空墩起至鎮山墩長三十一里

西陽河堡邊自制治墩起至南土山墩長三十二里

邊地

柴溝堡邊

海子溝 離邊三里

寨兒嶺 離邊三里

草塚山 離邊一百里

東西二土寨 離邊四十里

牛心山 離邊八十里

羅圈灣 離邊六十里

渡口堡邊

紅崖灣 離邊五十里

乾沙河 離邊一百里

樺林背 離邊卜里

柳溝莊窠 離邊五里

黃草梁 離邊二十里

西陽河堡邊

古城川 離邊二十餘里

黃土溝 離邊二十餘里

二道興河 離邊六十里

回回墓 離邊四十餘里

附邊臺 相隔皆十里許

太平臺

鎮口臺

紅山臺

水關臺

靜遠臺

制虜臺

平頂臺

馬頭臺

盤道臺

大尖臺

西箭臺

永平臺

威勝臺

西石臺

鎮溝臺

鎮口臺



鳳嶺臺 西石臺 驗郵臺 驗口臺

山川 古蹟附

出居庸關外蜿蜒起伏小大相宮者燕境之屏障也
潺湲奔赴巨細相涵者上谷之襟帶也循是而西涉
洋河入下洛則見諸峰紛峙界以谿流窅然而深鬱
然而秀雖挹注不足以沃礎确攘剔不足以阜林翳
而阻山依水拱衛城闈亦塞邑大觀焉間嘗覽輿圖
尋勝蹟微特前不見古人為山川生色即近代名宿
亦罕或經行意者僻無足取歟抑伏軾搏銜置為傳
舍歟然前志有云得其一二即傳聞附會毋若姑存
今即碣斷碑殘而苟堂斧未湮是亦薦蘋下馬者所

欵歔躑躅而地以人傳者也則今之所書猶前志意也

雲頭山 城西南三十里雲覆其巔卽雨邑人岳倫有神石生雲詩

栲栳山 城北八里石有松紋可爲屏薦

石山 城南二十里許勢端形尊支龍環繞兩峰對峙下有飛瀑盤旋十餘里始出山

白腰山 城東北三十里孤峰插天腰有白土遠望如帶土人取以堊壁

平頂山 城西三十里在懷安天鎮兩界間上有天窖

洞四圍險峻一穴而入可避兵

駱駝山 城北二十里形似駱駝因名

虎窩山 城西南三十里上有虎窩寺相傳爲漢壽峰寺遺蹟明成化丙午年有僧德玉卓錫於此先爲異虎所據僧至而虎遠去焉故山與寺皆以虎名山有二洞一洞在寺西南數十步冬時煖氣如蒸一洞在寺北數百步盛夏水從洞出凝結成冰入秋漸釋遂爲本縣八景之一

鷓子水山 城東三十里

水溝口山 城南十五里兩山巍峙百丈有奇其陽有

大海眼泉

熊耳山 城南二十里

花山 城西北三十里春夏多花上有龍池歲旱取

水禱雨輒應

北高山 洗馬林堡西二十五里

孤山 有二一東山在洗馬林堡北四十里獨出羣

山一西山在堡西北三十里陡峻特立內產赤石土

人取之為繪畫用

瓦窰山 左衛東南五里以陶甓所在而名

馬頭山 洗馬林西北四里山有水關洞洞外有泉盛

暑亦極寒

華山 西陽河堡東南二十里下有靈潭亢陽取水禱

雨輒應

香爐山 左衛城南四里形如香爐

沒皮山 左衛西南十里山無草木故名

饅頭山 左衛西南十五里

紅塘山 左衛南十里下有河其地產西瓜甚佳上有

懸空山

香水山 左衛南三里

青峰山 左衛西南六十里山有洞名曰雲巢

白雲山 左衛城南四十里山有白雲洞相傳洞內有

一髑髏枕石而卧其石兩半合一中有窅窅窅窅四字

朝陽山 左衛東南五十里山有二洞一名陽洞一名

滴水洞相傳常有神靈棲止其所

鳳凰山 城西南三十里首尾兩翼俱肖望之欲活

黃腦山 城東南三十五里

九旗山 城南二十里其峰如旗故名

大王山 城東三十五里相傳周德威駐兵於此今將

臺尙存

虎尾山 城東六十里

玉峰山 城東五十里許上鑿石洞有古廟一座

九龍岡 左衛城南十里

興甯嶺 城東南三十里山腰時多雲霧

寨兒嶺 洗馬林南五里其山四合若寨

枳兒嶺 城西三十里接界山西之天鎮縣為燕雲門

戶要塞

雪嶺 西陽河堡東南八里

花皮嶺 左衛東十五里

黑龍洞 洗馬林堡西南

斑石洞 城西南雲頭山中相傳為仙人煉丹處

水溝口河 城南源出天鎮界東北流入縣西南折北
流至縣西北合柳河水又東北逕城北至左衛界入
洋河卽古託台谷水也

東洋河 柴溝堡西北八里源出邊外自山西天鎮縣
界東逕柴溝堡西北合西洋又東至堡東五里合南
洋河又東逕左衛北又東合北來之清水河經府城
南至保安州東合桑乾河卽古於延水也亦曰修水
西洋河 柴溝堡北城外自天鎮縣平遠堡流入逕西
大陽河堡南又東至柴溝堡西北入東洋河卽古之延
鄉水也

南洋河 柴溝堡西南五里東注東洋卽雁門水也山
海經曰雁門之水出於雁門之山其水東北流入陽
門山謂之陽門水又東逕三會亭北又東逕西伺道
城北又東逕大甯郡北修水注之

燕尾河 柴溝堡東七里許東南洋河合流處形如燕
尾因名

柳河 城西七里東流入洋河

鎮水河 城西二十里源發天鎮亂泉潑滙成河東流
入洋河

東河 左衛城一里源出柳河與洋河合可資灌溉

紅桃河 左衛南源出水溝山北流一百餘里與洋河水會水色清激飲之能飽

孫才溝河 洗馬林堡西南十里

牛心川 左衛東南四十里

紅塘溝 城東二十里自舊懷安起至左衛長四十里許

靈潭 在華山

沙城暖泉 柴溝堡東北八里其水冬溫夏涼

海眼泉 在水溝山陽上有石塔相傳建塔鎮水塔毀水溢每年六月六日縣官迎牲致祭塔下

塔兒泉 縣東南十五里泉旁一古塔高丈餘指搖則動推之勿傾塔內有番書泉脈下出冬生款冬花

涼泉 左衛城西三里

水眼 城東角三官廟後傳有海眼視之無跡遇大雨半城水注之頃刻而涸

西海子 在萬全左衛城西水環三十里流入洋河

滴水崖 城北七十里許崖有懸溜百餘處勢如垂露滴則琤琤有聲

石虎壩 係縣屬張家場西北上有伸首虎高二尺其文斐然屢年挑壩沙卒莫掩鄉人有踐踏者報立至

懷安縣志 卷一 六
按節祭之

響水盆 城西十五里石如盆者三深丈餘相隔皆數武水流其中盈而後進聲如撞鐘故曰響水盆

深井 縣屬屈崙屯有井馬深二十餘丈逢春卽涸立夏後水復深丈餘人皆以爲井之知節氣者故一名知時井

古蹟

懷安故城 縣東二十里相傳唐時舊縣遺趾猶存

九王城 左衛城東北五里相傳遼築遺趾尙存九王今不可考又去里許有九王墓

馬城故城 在縣北畿輔通志漢置縣晉廢水經注修

水東南逕馬城縣故城北十三州志曰馬城在高柳東二百四十里

宣平故城 在縣東北畿輔通志金置縣元屬宣德府明廢畿輔舊志元移治於辛南莊明洪武初縣廢二十六年改置萬全左衛故城在衛西十里宣鎮志今鎮城七十里明熊偉有宣平晚照詩

高原故城 在縣無考畿輔通志注高原縣城在懷安衛北百六十里

罌城 在縣東北水經注於延水東逕罌城南按

懷安縣志 卷一
史記蔡澤燕人謝病歸相秦號罍城君疑卽此邑俗名武罍城

威甯縣城 按金置威甯縣在今懷安縣東北宣鎮志金承安中城之初屬宣德府後屬隆興路今廢

陽門廢縣 在縣北金置元廢金史地理志弘州鎮陽門貞佑二年升爲縣宣鎮志今鎮城西百二十里後魏聖武田於山澤神女自天降之會後期一歲復至生一男卽神元留之上昇而去卽此處遼爲鎮金貞祐初城焉元廢

建勳樓 在萬全左衛城中崇臺上明成化十年建

託台亭 在縣西南託台水南其東又有馬頭亭

李晉王寨 在左衛城南十里地名九龍岡相傳後唐李存勳北討契丹駐蹕於此今壁壘畧存

得勝嶺 在左衛城南十里紅桃溝之陽俗傳楊六郎與遼人戰於此勝之嶺因得名按宋楊彥昭真宗時知保安州邊人呼爲六郎州之棒槌峪舊有六郎城疑此亦其遺蹟歟

孤山 在縣屬張家窰堡南上有馬蹄痕相傳爲楊六郎養馬處

假糧堆 有二處一在城東一在縣屬老龍灣相傳

蕭后用兵時以葦蓆苫堆假充軍糈西至天鎮皆有
遺跡道光年人竊發之見銅鐵器具煤炭等物鄉保
稟官掩之

墳墓

明都督李剛墓城東北第九屯

明副總兵陶杰墓城西北四十八堰

明參將孟璽墓

明參將周環墓

明游擊將軍李琮墓

明游擊將軍張雄墓城東南前所堡

明榮祿大夫川貴總兵楊登山墓李信屯新堡西南

明褒贈太常寺少卿工部郎中岳倫墓城東廟山梁

明誥贈通奉大夫浙江布政使李綸墓城西南二里

許

明原任翰林院侍講張士範墓城東四里

明新平路參將王虎山墓柴溝堡西門外

國朝柴溝堡守備劉豹墓堡南門外教場西

明參將周某墓

明參將王某墓

明參將吳剛杰墓城西北四十八里

明參將李嗣墓城東北策火山

墓

懷安縣志卷之二

知懷安縣事長白蔭祿續修

建置

城池

城郭溝池以爲固猶曰小康在德不在險夫人而習聞之矣然渠丘之惡蒲與屈之不慎君子無取焉古者農務旣畢土功是興雖無年而猶有一日之役此何至有不完者乎蓋井法之不行久矣富者豐於產而嗇於用貧者優於力而絀於財馨鼓之聲不足以驅枵腹則設有門闔樓櫓粉飾壯觀亦可謂不忘衣

柳者已懷安在昔爲邊鎮堅屯高壘勢若星羅自
國朝統馭以來中外一家重關不閉烽埃不驚民狎於
野誠有不恃築鑿而自固於金湯者雖然四郊多壘
固守土之羞而勿俾城壞亦守土之責也恃陋而不
備奚可哉

懷安縣城 方九里三十步高三丈五尺頂闊二丈底

厚三丈城樓四角樓四今存舖五十三門四東迎恩

南永安西思惠北甯朔今名池環四周明洪武二十

五年築隆慶二年巡撫都御史王遴疏請重修登以

甌石

城河隄 城南門外當水溝河東西下流乾隆五年知

縣楊大崑築先是隄未築河流淤塞山水無歸沖決

城西南垣洊及田廬知縣楊大崑下車躬自相度河

身地形募民疏濬復捐俸爲紳民勸申請建築東西

石隄一百八十丈土隄六十六丈水得安流域以無

患

左衛城 舊制方十里高三丈五尺頂寬二丈底厚三

丈城樓四今廢角樓四今廢舖四十門二東迎恩南永安

明洪武二十五年築正統元年增甌嘉靖四十二年

墮其西北周圍方五里二百步崇禎八年復修

柴溝堡城 方六里一百八步高三丈六尺頂闊一丈

五尺底厚二丈五尺城樓三今廢二角樓四今廢二存二 戊樓

一十六廢今門三東靖魯南承恩西軍威明正統二年

築景泰成化間展之嘉靖二十四年重修萬曆二年

燬以甃

堡城河隄 堡城西南山舊有巖崙屯淖河一道引南

洋河水下流日久沙淤水由西沙河橫決入城為患

乾隆五年知縣楊大崑捐俸疏濬通南河仍由故道

復於河西建石隄一百五十丈紳民相率樂効隄防

遂以永固焉

西陽河堡城 方四里一百一十三步高三丈六尺頂

闊一丈五尺底厚二丈三尺二寸城樓二角樓四今廢

舊制門二今增為四東賓陽南觀瀾西遠馭北永靖

明正統五年都指揮文弘廣因舊基修築工未竟次

年都指揮李徽成之成化十年兵部尚書余子俊展

築萬曆三年包以甃

堡城河隄 堡城北門外有廟山溝大沙溝淖河無雨

則涸遇雨則山水沖注往往浸及城堡知縣楊大崑

於乾隆五年間捐俸募民挑挖並於河旁堅築土堤

二百七十五丈以防泛濫水患以息

李信屯堡城 方二里八十步高三丈五尺城樓一角

樓四今存 門一明嘉靖十三年都御史韓邦奇委指

揮劉輔築

墩舖附

明制

縣治 接火墩二十五座 沿途墩五座

左衛 腹裏墩一十九座 沿途墩五座

柴溝堡 邊墩三十八座 腹裏墩一十一座

渡口堡 沿邊腹裏墩 共四十二座

李信屯堡 墩八座

西陽河 邊墩二十三座 腹裏墩二十三座

國朝

本城 路墩五十二座

左衛 烽墩三十七座

柴溝堡 邊墩五十座 路墩三十六座

渡口堡 邊墩二十六座 路墩三十六座

西陽河 邊墩三十六座 路墩三十六座

李信屯 路墩十九座

橋梁

新橋 城東三十里橫跨洋河明景泰五年建

七里橋 城西柳河上明弘治年建

石嘴河橋 在柴溝南十里許

北大河橋 縣屬北沙城南每歲秋後捐造橋梁乾

隆五十七年知縣黃廣昇因免閭村差徭勒石以

誌之

西河橋 城西門外道光十八年建

東河橋 城外文昌閣下同治十二年建

二道河橋 城東五里許同治十二年建

公署

倉廩

局庫

營房

坊表

郵政附

伏而野處則亦齊民耳一旦從田間來授之以政不
耕而食不築而居逸則逸矣獨不思層楹聳峙何以
處高明重門洞開何以燭幽隱閒軒退食何以軫瘡
痍而顧以輪奐為榮以爽塏為樂安乎哉夫經營補
葺何慮不周倉庫者緩急之所須坊表者旌揚之所
屬而公署者士庶之所瞻也不幸而登長吏之庭惕
惕焉咫尺階前曾不敢以託足而還念蕪茨丹雘誰
為為之則一椽一瓦民膏脂也一興一作民手足也
一出入民耳目也雖欲求逸又焉得而逸

縣署 在城東南明萬曆丙午年建舊為下西路通判署 本朝康熙三十二年改為縣署

大門三間 東西坊二座 東西告示棚六間

儀門三間 東西門二座 大堂三間 東西六曹

房各三間 西庫房二間 川堂一間 宅門一間

二堂五間 大書房三間 小書房三間 東書房二間

正宅五間 東廂房六間 廚房五間 馬號一所

馬廟一間 土地祠三間

儒學署 在城東大街學宮之東正德三年置

大堂三間 大門一間 二門一間 東西書房

各一間 東册房一間 西房一間 內宅正房

五間 西厦房六間 廚房三間 後亭三間

書房二間

典史廨 舊僦民居康熙四十一年典史趙福因舊衙廢署址庀材創建

堂三間 大門三間 二門一間 住房八間

土樓一間 獄房 在大門內西偏坎地為之周以棘牆土窰一間土房二間

柴溝堡巡檢署 舊僦民居道光十四年巡檢鄭士朗奉文創建在堡之西北街

大門三間 儀門一間 大堂三間 東西廂房

各三間 宅門一間 上房三間 東西兩廂

房各三間 耳房二間 科房皂隸房各三間

照壁一座

城守都司署 在城西北街明正統四年建舊設守備駐劄國朝因之雍正十年改為都司署

大門三間 牌坊二座 二門一間 大堂五間

東房二間 西班房二間 二堂五間 宅門一間

內宅五間 東廊房三間 西廊房三間 西書房三間

馬廟一間 箭亭三間 東偏土地祠一間

城守把總廨 在城東北街康熙三十二年建

大門一間 大堂三間 西班房一間 內宅五間

柴溝堡都司署 在堡之東南街即前明參將署建始年參將置守備雍正十年改設都司置為都司署

大門三間 二門三間 大堂三間 東西廊房

各一間 宅門一間 書房三間 左右廂房

各三間 側科房一間 內宅五間 箭廳一間

馬廟一間 真武廟一間

柴溝堡把總廨 堡東南街乾隆元年建

大門一間 堂三間 正房三間 東廂房二間

南廳三間

左衛城守備署 在城東大街建始年月未詳

大門三間 二門二間 大堂三間 東廂房四間

宅門一間 西廊房四間 正房五間 東書房一間

西住房一間 西箭廳二間

西陽河堡守備署 在堡之東北街 建置年月未詳

大門三間 二門一間 大堂三間 小廳西四間

小廳東三間 宅門一間 內宅五間 東西廂房

各三間 西耳房一間 西廊三間 二門外土

地祠二間 堂東廊二間 馬廟一間 大門內軍

牢房一間 照牆木柵二座 大門外旗牌廳一間

舊總督府 明宣德年間為守備內臣建 嘉靖間改總督行府今廢

舊巡按察院署 一在城東門內宣德五年建今為懷安 驛所一在城西門內建始無考一在左

衛大市西南永樂十八年 建一在柴溝堡今俱廢

舊分司署 城東南隅嘉 靖年建今廢

舊懷安指揮使司 城東洪武年建嘉靖年 衛員張承勛重修今廢

舊保安右衛指揮使司 城良隅 今廢

舊河間府行署 按此府前設右衛萬曆間設 同知一員徙在今治今廢

舊巡撫都察院行署 在左衛東門內宣德 六年建今為驛所

舊分守藩司行署 嘉靖三十八 年建今廢

舊分守臬司行署 正德五年 建今廢

舊萬全左衛指揮使司署 在左衛城東南永 樂二年建今廢

舊萬全驛丞廨 在左衛東街康熙三十二年因前 明察院行署廢址創建今廢

教場 縣城西門外廣袤七十畝明景泰二年置中構演 武廳三間歷久坍塌廢乾隆五年都司孫至剛重建

同治九年吉忠阿重修又柴溝堡南門外演武廳一 左衛城東演武廳一西陽河堡演武廳一建始年月

俱未詳

神機庫

在縣城東南街隅武廟後明永樂二年建正房三間門一間有垣

軍器局

火藥局

按神機軍器火藥庫局舊制各城堡皆有建設今止本城存餘俱廢無考

草廠

縣城西南明永樂二年置今廢

倉廩

縣城西北街廣備倉一座永樂十二年建天字廩五間地字廩五間阜字廩五間成字廩五間字廩五間洪字廩五間收字廩五間裕字廩五間倉廩三間倉庭一間共計四十四間左衛廣積倉一座永

樂年

建東南廩五間東北廩五間西南廩五間西北廩五間倉廩一間共計二十一間柴溝堡城東北屯

糧倉

一座建始未詳天字廩二間地字廩七間元字廩三間黃字廩五間字廩五間倉廩一座建始未詳天字廩五

十三

間西陽河堡屯糧倉一座建始未詳天字廩五間地字廩五間新字廩五間豐字廩五間裕字廩五

間地

字廩五間新字廩五間豐字廩五間裕字廩五

間共計二十五間以上共四座總共一百一十二間

營房

縣城汎撥九處一磨泥灣一大莊窰一七里舖一七里店一西煖店一王虎屯一西界臺一石門溝

柵二

間左衛城汎撥八處一舊懷安一間甄墩臺一座示夏家屯一喬子溝一下菓園一沙河塆一永安臺一

許家

莊各瓦房等與上城汎同惟許家莊止十間少示柵一間望樓一間柴溝堡汎撥七處一沙嘴臺一

二道

臺一三道臺一五里臺一沙家屯一大河塆一干莊堡凡七西陽河汎撥四處一關帝廟一兩截臺

一石

頭臺一西河臺凡四以上二堡皆土房其沙嘴臺及西陽四汎皆十間餘皆八間又示柵一間煙墩

五座

墩臺一座俱同上懷左柴西四城堡通共汎撥二十八處土瓦營房二百八十四間又沿邊汎

撥新

建營房柴溝堡沿邊七處內水關臺汎瓦營房十五間土墩臺一座土煙墩五座土示柵一間馬柵

二間

乾隆四年知縣楊大崑添建外委瓦營房三間馬柵一間餘太平臺鎮口臺紅山五臺甯靖臺制虜

一問墩臺一煙墩五西陽河堡沿邊九處一鎮溝口
 臺瓦營房十間土墩臺一座土煙墩五座土示棚一
 間馬棚一間乾隆四年知縣楊大崑添建外委瓦營
 房三間馬棚一間餘馬頭山臺盤道山臺大尖山臺
 西箭欵臺永平山臺威勝山臺西石山臺八處俱瓦
 營房三間土示棚一間馬棚一間墩臺一煙墩五以
 上沿邊汛撥共十六處
 總計瓦營房七十三間

坊表

都諫坊

城西大街明嘉靖二十四年為禮科都給事
李綸建 國朝乾隆三十一年重修又同治

五年
重修

龍章賁德坊

城東大街明嘉靖二十四年為都給事
李綸父李瑤建 國朝乾隆三十一年

五年
重修又同治

恩榮坊

城南大街為明丙戌
進士岳倫建今廢

貞節坊

俞文妻張氏建始年月未詳

縣城東大
街今廢

王遐年妻李氏乾隆元年建坊

縣城西
北街

彰善坊

縣城東大街乾隆癸亥年邑令楊為孝廉庠
生賀繼學武生尙誼妻節婦范氏義民劉永

臣喬志珍周
繼商等建

趙世貴妻楊氏乾隆八年建坊

縣屬李
家窰

庠生牛寬妻阮氏乾隆十四年建坊

縣屬柴
溝堡

庠生杜延芝妻薛氏乾隆五十七年建坊

縣署
西

趙永甯妻金氏建坊年月未詳

縣屬胡
家窰

趙醕妻閻氏嘉慶四年建坊

縣城南
大街

庠生王時若妻康氏嘉慶十年建坊 縣城南大街

武生阮有福妻魏氏道光五年建坊 縣屬柴溝堡

節孝祠同治十年建坊 縣城西大街

郵政

常平倉

原額均貯穀二萬一千石考宣化志康熙四十五年四月內允直撫趙題將均貯米穀糶借三分之一其疏云青黃不接之際米價日騰民食愈難請將常平倉米穀委本管道府督地方官暫動十分之三照時價減糶易銀彙解守道秋後發買還倉至乾隆六年志載一萬四千石歷任虧缺僅存穀七百八石九升後知縣吳毓寶虧賠折銀三百八十九兩四錢四分九釐五毫買補還倉現在實存六百一十九石九升向無倉厥貯懷安城屯糧厥房

社倉

舊志載穀一千七百九十三石五斗一升一合一斗六抄四撮每年詳請春借秋還現在實存穀五

百二十二石九斗三升四勺向無倉厥貯左衛城義倉

懷安城義倉

厥房三間原儲穀七百一石六斗九升一合五勺又咸豐二年捐穀十二石九斗

左衛城義倉

厥房五間原儲穀六百四十八石一斗三升八合五勺又咸豐二年捐穀五十

八石一斗

柴溝堡義倉

厥房十一間原儲穀二千二百一十六石五斗三升六合又咸豐二年捐穀四

百十三石七斗六升

西陽河義倉

厥房三間原儲穀三百九十二石九斗八升六勺又咸豐二年捐穀六十一石

四斗

李信屯義倉

厥房三間原儲穀五百八十五石四斗五升又咸豐二年捐穀五十九石二斗

太平莊義倉 廩房三間原儲穀九百四石五斗七升二合五勺又咸豐二年捐穀九十二石

斗九

大莊科義倉 廩房三間原儲穀三百三十六石五斗五升又咸豐二年捐穀四十一石五斗

太平寨義倉 廩房二間原儲穀三百六十八石三斗五升三合五勺又咸豐二年捐穀四十

石

以上三項共穀七千九百七十六石三升三合又道


光九年捐修倉費銀三百兩發縣屬當行按月一分

生息

漏澤園 縣東城外一西城外一左衛城一柴溝堡二

養濟院 在城東門內雍正六年知縣吳琮建平房四楹門一間繚以垣道光二十一年邑令廷重修

育嬰堂 縣署後今廢



學校

學校爲造就人才之地亦觀禮之地也昔太史公司馬遷適魯觀仲尼廟堂車服禮器諸生以時習禮其家低徊留之不能去今天下郡縣立學崇祀

先師鉅典煌煌視昔尤備卽至窮鄉僻壤目不覩干羽豆籩之盛耳不聞笙鏞磬管之音及乎釋奠春秋濟濟洋洋執事有恪雖在編氓尙人人有一無體之禮無聲之樂在其心也况躬列膠庠乎蓋士者四民之望也師道立則善人多士習端則風俗茂天人性命非所望於末學之倫顧讀書立品豈必高遠難行乎所

願稽古者退而游焉顧名而思義焉將見人心風俗
駸駸古處正不徒在科第文章也是則多士之責也

夫

儒學在縣治後大東街北周圍地基 畝明正德三年

建初為衛學

國朝康熙三十二年改為縣學並裁萬全左衛學歸此

按明弘治元年從巡撫都御史張錦請置學於萬全左衛維時邑未有學士子附左衛學訓飭之至正德三年衛指揮宋贊疏請始尚設如制即今所也 國朝改縣後置為縣學併左衛入縣左衛學裁 嘉靖六年巡按學院譚廣修按院王官分巡道王謳增建啟聖各祠 萬曆三十年本學教授喬本榮修 國朝康熙六年教授翟裕後重修康熙五十九年教諭張煒招修規制宏備又召募樂

學制

舞置樂器燈罩龍麾雍正七年教諭曹運修明倫堂十年置祭器乾隆四年邑令朱煥捐俸倡修崇聖祠重建敬一亭並增築圍牆未鳩工陞任五年六年教諭曹運續捐工成又乾隆三十六年教諭張宗榜重修嘉慶十六年教諭高大猷重修道光二十七年教諭王樹榮重修同治十一年教諭趙會標建修工未竣離任後任教諭劉鳳鳴知縣李葆貞續捐成之

大成殿三間 東廡十一間 西廡十一間 東西後角

門各一間 戟門三間 戟門外東偏名宦祠三間

文昌祠三間 今廢 省牲所三間 戟門外西偏鄉

賢祠三間 土地祠三間 今廢 更衣所三間 泮橋

一座 櫺星門三間 金聲玉振坊一 江漢秋陽

坊一 殿後宰割所二間 西偏 正門三間 東西齋

房各五間 明倫堂五間 堂後敬一亭三間 正

房一間

崇聖祠三間 在正殿東 正門一間 恩隆啟聖坊一座

祀典

正殿設

至聖先師孔子神位正中南向 主用栗藍地金書

考明永樂八年令天下文廟聖賢衣冠繪塑不合古制者悉改正二十八年黜莽大夫楊雄進漢董仲舒從祀嘉靖九年大學士張孚敬言孔子大聖德與天

合漢之平帝謚以宣王唐之宣宗謚以文宣王若大成加號則又自元成宗始夫文王既没文實在茲以文為謚幾矣宣則不過聖善周聞大成亦孟子取譬於樂者至於王之稱在周則為天子夫子必不忍僭在後世則臣下之爵何以加吾夫子今宜止稱至聖先師於禮為宜此先儒邱濬卓然之見而以像設為非尤至論也夫上古祀神以主惟佛教有像洪武初首建大學革去繪像今宜令海內俱遵臣又考唐宋廟制以顏曾思孟配享孔子堂上而四子之父皆坐庶下夫子雖齊聖不先父食而三代之學皆以明倫

今使子坐於上父食於下其於倫何借曰惟論道統如舍倫理而言道統道統又何在也宜下所司將各處學宮別立一祠中祀啟聖宮以路黜鯉及孟孫氏配至程子之父珦朱子之父松並得在列因見道統之傳有開必先而明倫之義不為虛具此又先儒洪邁熊禾及先朝程敏政之見而臣深有取者疏上詔正先師祀典及作啟聖祠於學宮

四配 木主藍地金書

復聖顏子

述聖子思子

在殿內東旁西向

宗聖曾子

亞聖孟子

在殿內西旁東向

十二哲 木主綠地金書

先賢閔子 名損

先賢冉子 名雍

先賢端木子 名賜

先賢仲子 名由

先賢卜子 名商

先賢有子 名若

在殿內次東西向 按有子從祀東哲自乾隆三年始

先賢冉子 名耕

先賢宰子 名子

先賢冉子 名求

先賢言子 名偃

先賢顓孫子 名師

先賢朱子 名熹

在殿內次西東向 按朱子從祀西哲自康熙四十一年始

東廡 先賢四十位先儒三十位木主赤地墨書

先賢公孫僑

新增

先賢林放

先賢原憲

先賢南宮适

先賢商瞿

先賢漆雕開

先賢司馬耕

先賢梁鯉

先賢冉孺

先賢伯虔

先賢冉季

先賢漆雕徒父

先賢漆雕哆

先賢公西赤

先賢任不齊

先賢公良孺

先賢公肩定

先賢鄒單

先賢罕父黑

先賢榮旂

先賢左人郢

先賢鄭國

先賢原亢

先賢廉潔

先賢叔仲會

先賢公西輿如

先賢邾巽

先賢琴張

先賢步叔乘

先賢秦非

先賢顏噲

先賢顏何

先賢縣直

先賢牧皮

先賢樂正克

先賢萬章

先賢陳亢

先賢周敦頤

先賢程顥

先賢邵雍

先儒公羊高

先儒伏勝

先儒毛亨

新增

先儒孔安國

先儒后蒼

先儒鄭康成

先儒范甯

先儒陸贄

新增

先儒范仲淹

先儒歐陽修

先儒司馬光

先儒謝良佐

先儒羅從彥

先儒李綱

新增

先儒張栻

先儒陸九淵

先儒陳淳

先儒真德秀

先儒何基

先儒文天祥

新增

先儒趙復

先儒金履祥

先儒陳澔

先儒方孝孺

新增

先儒薛瑄

先儒胡居仁

先儒羅欽順

先儒呂柟

新增

先儒陸隴其

先儒劉宗周

新增

先儒孫奇逢

新增

按舊志先賢林放先儒公羊高孔安國鄭康成歐陽修司馬光陸九淵陳淳金履祥陳澔胡居仁諸人皆從祀西廡者今改祀東廡西廡十一位主與東廡同

先賢蘧瑗

先賢澹臺滅明

先賢宓不齊

先賢公冶長

先賢公皙哀

先賢高柴

先賢樊須

先賢商澤

先賢巫馬施

先賢顏辛

先賢曹卹

先賢公孫龍

先賢秦商

先賢顏高

先賢壤駟赤

先賢石作蜀

先賢公夏首

先賢后處

先賢奚容蒧

先賢顏祖

先賢句井疆

先賢秦祖

先賢縣成

先賢公祖句茲

先賢燕伋

先賢樂欬

先賢狄黑

先賢孔忠

先賢公西蒧

先賢顏之僕

先賢施之常

先賢申根

先賢左邱明

先賢秦冉

先賢公明儀

新增

先賢公都子

先賢公孫丑

先賢張載

先賢程頤

先儒穀梁赤

先儒高堂生

先儒董仲舒

先儒毛萇

先儒杜子春

先儒諸葛亮

先儒王通

先儒韓愈

先儒胡瑗

先儒韓琦

新增

先儒楊時

先儒尹焞

先儒胡安國

先儒李侗

先儒呂祖謙

先儒黃幹

先儒蔡沈

先儒魏了翁

先儒王柏

先儒陸秀夫

新增

先儒許衡

先儒吳澄

先儒許謙

先儒曹端

新增

先儒陳獻章

先儒蔡清

先儒王守仁

先儒呂坤

新增

先儒黃道周

新增

先儒湯斌

新增

先儒袁燮

新增

按舊志先賢濂瑗澹臺滅明先儒穀梁赤董仲舒杜子春韓愈胡瑗楊時李侗黃幹許謙吳澄王守仁皆從祀東廡者今改祀西廡

考明嘉靖九年釐正祀典四配顏子稱復聖曾子稱

宗聖子思述聖孟子亞聖十哲以下及門弟子七十

二人皆稱先賢左邱明以下二十九人皆稱先儒盡

罷公侯伯諸封爵改祀先賢林放濂瑗先儒鄭元鄭

衆盧植服虔范甯於其鄉進后蒼王通胡瑗歐陽修

陸九淵於從祀罷從祀公伯寮秦冉顏何荀况劉向

賈逵馬融何休王肅王弼杜預吳澄凡十二人隆慶

五年詔以薛瑄從祀萬曆十二年詔以王守仁陳憲
章胡居仁從祀四十二年詔以宋羅從彥李侗從祀
崇禎十五年議宋周程邵張朱六子進稱先賢位七
十子下漢唐諸儒上

國朝康熙四十一年

特諭優崇朱子升配大成殿十哲之次五十四年議準以

宋儒范仲淹從祀雍正二年

詔復祀者六人林放蘧瑗秦冉顏何鄭康成范甯增祀者
二十人縣廩牧皮樂正子公都子萬章公孫丑諸葛
亮尹焞魏了翁黃幹陳淳何基王柏趙復金履祥許

謙陳澔羅欽順蔡清陸隴其入崇聖祠者一人張迪

乾隆二年

詔復吳澄從祀三年

詔以有子陞哲四十一年

詔以劉崇周從祀道光三年

詔以湯斌從祀五年

詔以黃道周從祀六年

詔以陸贄呂坤從祀八年

詔以孫奇逢從祀二十三年

詔以文天祥從祀二十九年

詔以謝良佐從祀咸豐元年

詔以李綱從祀二年

詔以韓琦從祀三年

詔以公明儀從祀六年

詔以公孫儒從祀八年

詔以陸秀夫從祀十年

詔以曹端從祀同治二年

詔以方孝孺毛亨呂柟從祀七年

詔以袁燮從祀 又咸豐六年

詔以孟皮公入 崇聖祠東配每年春秋仲月上丁日致

祭先期齋戒省牲一如會典 崇聖祠倣此

崇聖祠 原為啟聖祠 本朝雍正二年追封先師五代王爵改今名

正中祠奉

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

東配 祠內東傍西嚮 主同前殿四配

先賢孔氏 孟皮公 先賢顏氏 名無繇

先賢孔氏 名鯉

西配祠內西

先賢曾氏名點

先賢孟孫氏名叔激即

東從祀祠內次東西

先儒周輔成

先儒程珦

先儒蔡元定

西從祀祠內次

先儒朱松

先儒張迪

正位陳設

帛一長一丈

爵三

登一太羹

鉶二和羹

簋二黍稷

簋二稻粱

籩八

形鹽榛子芡實藁魚棗栗麥米鹿脯

豆八韭菹筍菹芹菹菁菹醯醢鹿醢魚醢兔醢

牛一

羊一

豕一

考明洪武十五年頒釋奠儀注縣用籩豆各八成化十三年從禮部尚書周洪謨奏縣加籩豆各十嘉靖九年遵照初制仍用八籩八豆以縣正印官為獻官縣佐教官為分獻官

國朝康熙二十二年國子監祭酒王士禎請酌成化弘治間籩豆侑舞之數部議八籩八豆如舊制

二十五年禮部覆提臣陳凡春秋二祭文廟各省

府州縣應令提鎮及副將以上照例以文左武右行

禮仍令地方正印官主祭二十六年禮部覆臺臣

趙每年春秋二祭各府州縣八籩八豆舞用六侑

並樂器各項俱照會典其有殘缺未備者應勅學臣及該管官照例修理完備

四配位陳設

帛各一 爵四

鉶二

俱和羹

簋二

黍稷

簠二

稻粱

籩六

形鹽榛芡藁魚棗栗

豆六

非菹芹菹筍菹醢醢鹿醢

共羊一

豕一

十二哲陳設

帛各一

爵二十

鉶一

俱和羹

簋各一

黍稷

籩二

各四

形鹽榛子棗栗非菹芹菹鹿醢魚醢

共羊一

豕一

東廡陳設

帛各一

爵各一

簋各一

籩各一

黍稷

籩二

豆各四

形鹽榛子棗栗非菹

芹菹鹿醢魚醢

共羊一 豕一

西廡陳設與東廡同

崇聖祠正位陳設

帛一

爵一

羊一

豕一

鉶一

簋二

籩二

籩八

豆八

配位陳設

帛各一

爵各一

羊一

豕一

簋一

簋一

籩四

豆四

東西從祀陳設

帛各一

爵各一

簋各一

簋各一

籩各四 豆各四

樂器

麾 金鐘 玉磬 鼓 琴 瑟

右堂上之樂

編鐘 編磬 笙 簫 管 笛 鼗鼓 排簫

搏拊 塤 箎 祝 敔

右堂下之樂

舞器

羽 籥 于 戚 節

祭器

鼎 爐 燭臺二十對 燈罩十七對 爵一百七

十四 登一 鉶二十三 簠九十八 簋二十

八 籩二百二十 豆二百二十 筐四十九

祭品

帛色白 牛 太羹 和羹 黍稷二者實於簠 稻粱二者實於

簋 形鹽 藁魚 栗榛 芡 鹿脯以上實於籩

韭菹 菁菹 芹菹 荀菹 醯醢 鹿醢 兔醢

魚醢以上實於豆 餘照例用

樂章

迎神樂 奏咸和之曲 無舞

大哉至聖 道德尊崇 維持王化 斯民是宗

典祀有常 精純並隆 神其來格 於昭聖容

奠帛樂奏甯和之曲 有舞

自生民來 誰底其盛 惟師神明 度越前聖

粢帛具成 禮容斯稱 黍稷非馨 惟神之聽

初獻樂奏安和之曲 有舞

大哉聖師 實天生德 作樂以崇 時祀無斁

清酏惟馨 嘉生孔碩 薦修神明 庶幾昭格

亞獻樂奏景和之曲 有舞

百王宗師 生民物軌 瞻之洋洋 神其甯止

酌彼金罍 惟清且旨 登獻惟三 於嘻成禮

終獻 一如亞獻

徹饌樂奏咸和之曲 一作宜和無舞

犧牲在前 籩豆在列 以饗以薦 既芬既潔

禮成樂備 人和神悅 祭則受福 率循無越

送神樂奏咸和之曲 一作祥和無舞

有嚴學宮 四方來崇 恪恭祀事 威儀雝雝

歆茲惟馨 神馭還復 明禋期舉 咸膺百福

望燎 一如送神

陳設圖

崇聖祠

正位視先
師減太牢
太羹餘祀
遞減陳設
做此

邊八

大

爵

釧和羹

成帛盛以

爵

登太羹

殿

爵

釧和羹

四配

品物遞減

豆八

十二哲

陳設做此

兩廡

菱鹿脯

置帛置爵案

榛芡

棗栗

形鹽藁魚燭○羊燭

簋黍稷燭○

牛香茅盆

簋稻梁燭○

韭菹醯醢燭○豕花燭

菁菹鹿醢

芹菹兔醢

荀菹魚醢

讀祝案

堂上設樂圖

歌九絃琴
歌七絃琴
歌五絃琴
歌三絃琴
一絃琴

磬簾

堂下設樂圖

柷

笙

簫

壎

敔

鐘簾

西階

笙

簫

壎

歌一絃琴
歌三絃琴
歌五絃琴
歌七絃琴
歌九絃琴

圖見文廟攷略

楹鼓

麾

歌歌歌
琴瑟

鼗

至聖位

鼗

歌歌歌
琴瑟

麾

應鼓

祝

提爐笙鳳簫簫笛舞舞舞舞舞

金鐘笙埙簫笛舞

搏拊 田鼓笙篪簫笛舞俱各六

殿門燈

搏拊 田鼓笙篪簫笛舞俱各六

玉磬笙埙簫笛舞

提爐笙鳳簫簫笛舞舞舞舞舞

敵

樂舞儀注圖

匾額

康熙二十三年

欽頒萬世師表匾額

雍正四年

欽頒生民未有匾額

乾隆三年

欽頒與天地參匾額

嘉慶元年

欽頒聖集大成匾額

道光元年

欽頒聖協時中匾額

咸豐元年

欽頒德齊禱載匾額

同治三年

欽頒聖神天縱匾額

名宦祠

木主每歲春秋與文廟同日祭帛一爵三簋一簋一豕一籩四豆四

祀奉

金懷安令山東東路轉運使田琢

懷安令陞監察御史王擴

明懷安衛都指揮使宋贊

西路通判王之震

國朝直隸巡撫諡清端于成龍

總督三省部院諡勤愍朱昌祚

總督三省部院李蔭祖

直隸巡撫諡襄勤長白于成龍

直隸守道朱弘祚

分守口北道王隲

直隸總督趙弘燮

口北道高蔭爵

鄉賢祠

木主祭日祭品與名宦祠同

祀奉

唐孝子嚴濟寬

明中議大夫褒贈太常寺少卿岳倫

通奉大夫浙江右布政司使李綸

原任翰林院侍講經筵講官張士範

敬一書院

在明倫堂後乾隆三年知縣薛天培捐建未
果士子暫就明倫堂齋房肄業每年給官地
租六十石以資膏火後立文昌書院以三十
石田歸學宮其餘歸文昌書院以昭畫一

學宮書籍

御纂詩經一部

書經一部

易經一部

春秋一部

性理一部

四書解義一部

欽定吏部滿官品級考漢官則例一部

畿輔通志一部

學政全書一部

卧碑

本朝順治十二年禮部題奉

欽依刊定卧碑曉示生員所有教條開列於後

一生員當愛身忍性凡有司官衙門不可輕入卽有

切已之事止許家人代告不許干預詞訟他人亦

不許牽連生員作證

一生員之家父母賢智者當受教父母愚魯或有非

爲者子旣讀書明理使父母不陷於危亡

一生員立志當學為忠臣清官書史所載忠清事蹟
務須互相講究凡為國愛民之事更宜留心

一生員居心忠厚正直讀書方為實用出仕必作良

吏若心術邪刻讀書必無成就為官必招禍患行

害人之事往往自殺其身當思自省

一生員不可干求官長交結勢要希圖進身若果心

本植善德全上天知之必加其福

一為學當尊敬先生若講說皆須誠心聽受如有未

辯明從容再問毋妄行辨難為師者亦當盡心教訓

為學勿致怠惰

一軍民一切利病不許生員上書陳言如有一言建

白以違制論黜革治罪

一生員不許糾黨多人立盟結社把持官府武斷鄉

曲所作之文不許妄行刊刻違者聽提調官治罪

學田 頃數未詳每年地租菽蕎麥十石入斗六升二
合穀五石九斗七升五合錢七十四吊又房錢

三十
六吊

入學額數

國朝康熙三十三年題准懷安縣作大學定額入學十

五名五十四年增額三名共十八名文童歲科兩試

每試取進十八名武童歲試一次取進十五名廩膳

增廣生員各二十名按年於廩膳生員內照例充貢
每二年出貢一名又十二年選拔一次

附宣化府鄉試中額 明萬曆間宣鎮屢科闕額
四十年舉人胡守訓等公疏請照遼東例另額
取中得旨允行始定額三名另編巨字號較閱
本朝順治十七年裁減各直省中額裁去一名
康熙四十一年仍增一名雍正十三年又增一名
每科共中四名各屬貢監生仍編入皿號嘉慶初
年裁額中四名之例生
員歸入貝字號取中

義學

本城 義學二所一在武廟學田八十畝一在東門寺
學田三十畝同治八年均歸入文昌書院館武
廟者另給懷錢五十吊館東門寺者移安靜寺
另給懷錢六十吊學師係三年一考
左衛 義學一所在衛城東門內路南卽舊學宮廢址
乾隆五年知縣楊大崑改建正廳五間東廂房

三間西廂房三間東西耳房各二間大門一間
顏曰養正書院光緒二年知縣劉樹勳從該衛
紳士公請援柴溝例歸併本城改額曰文昌書
院舊例館穀租米十五石同治八年歸入文昌
書院另給懷錢八十
吊學師亦三年一考
柴溝堡 向有義學一所學租錢三十餘吊同治八年
創建文昌書院卽將此項作本堡監院茶資

義學
廢

渡口堡 義學一所學
田八十餘畝

許家莊 義學一所

腰站堡 義學一所

辛莊堡 義學一所

書院 同治八年創建
原委見碑記

大門三間 門房二間 碑房三間 二門一間
 講堂三間 文昌祠三間 文昌三代祠三間 官
 廳三間 東房三間 西房三間 便門二 小東
 院正房三間 耳房二間 西房三間 小門一座
 大東院正房五間 耳房二間 東房四間 西
 房四間 二門一間 大門外照壁一座

祠祀 寺觀附

禮曰諸侯方祀祭山川祭五祀歲徧宰雖小有民人
 焉有社稷焉亦古侯國也故夫壇壝之設山川風雷
 雲雨之靈與凡在祀典者皆得而主之尙功德重農
 桑有舉無敢廢也至於琳宮梵宇緇羽之所宅游食
 之所歸無關體要然而神道設教聖人不廢苟非侈
 譎觀妨民力怪誕不經則亦不必以淫祀例孔子曰
 務民之義敬鬼神而遠之勿傷百姓之財勿溺二氏
 之說則得矣如必人其人廬其居與俗相戾焉是又
 迂甚

先農壇

先農見於禮郊特牲八蜡之一所謂田峻者也鄭眾曰田峻古之先教田者爾雅云峻田夫也

其特舉焉者傳曰耕藉祀先農者也雍正三年

皇上親行耕藉禮因

詔郡縣各設藉田卽以藉田所入供先農祀事壇在城東

門外高二尺一寸橫二丈五尺直二丈五尺神厨三

間左右神庫各一間外繚以垣南爲門周圍六十四

步計地一畝一分直南藉田四畝九分井一口共地

六畝五年知縣吳琮奉勅建祭用羊一豕一帛一爵三釂一簋二籩二簋四豆四

祭器農具附識於左祭器農具附識於左祭器農具附識於左祭器農具附識於左

祭器農具附識於左祭器農具附識於左祭器農具附識於左祭器農具附識於左

祭器農具附識於左祭器農具附識於左祭器農具附識於左祭器農具附識於左

祭器農具附識於左祭器農具附識於左祭器農具附識於左祭器農具附識於左

祭器農具附識於左祭器農具附識於左祭器農具附識於左祭器農具附識於左

祭器農具附識於左祭器農具附識於左祭器農具附識於左祭器農具附識於左

社稷壇

社土神也共工氏有子曰句龍爲后土左傳所謂五祀之一也稷穀神田正也烈山氏有子曰

柱爲后稷自夏以上祀之周棄亦爲后稷自商以下

祀之壇在城西門外高二尺一寸橫二丈五尺直二

丈五尺中埋石主外繚以垣東西各一小門正北

一大門周圍四十八步計地六分雍正十一年知縣

風雲雷雨山川城隍壇

風師雲師雷師雨師天神也山川城隍地祇也壇在西門外高

二尺一寸橫二丈五尺直二丈五尺中埋石主外繚以垣東西各一小門正北一大門周圍四十八步

鐵鋤一 砵地石二 輪木架 荊蓋一 鎌刀二

種斗二 木杵二 簸箕二 糞箕二 紅鞭一條

稍挽 大簸籬二 水桶二副 匾擔鐵 柳罐二

手全 社稷壇 謂五祀之一也 稷穀神田正也 烈山氏有子曰

柱爲后稷自夏以上祀之周棄亦爲后稷自商以下

祀之壇在城西門外高二尺一寸橫二丈五尺直二

丈五尺中埋石主外繚以垣東西各一小門正北

一大門周圍四十八步計地六分雍正十一年知縣

武一韓奉 旨建祭用春秋仲月上戊日羊二豕二帛二爵三釂一簋

二籩二簋 四豆四

計地六分雍正十一年知縣武一韓建祭用春秋仲
月上戊日設三神位風雲雷雨居中山川左城隍右

羊三豕三帛三爵三銅
一簠二簋二籩四豆四

厲壇

祭鬼神之無祀者壇在城東門外萬曆十五年建
周圍三百六十步計地三畝祭用清明日七月十

五日十月初一日先期主祭官齋戒一日詣本處城
隍廟發告文至期迎城隍神位於壇上設無祀鬼神
位於壇下左右兩旁列祭中左右凡三案羊一豕
一果四飯羹冥錢隨用又一在城西門外地基同

祠廟

城隍廟

在城西南街洪武二十六年建正殿三間東西
司房各五間寢殿三間東西神房各二間大門

三間二門一間鐘樓一間鼓樓一間碑樓二座牌坊
二每月朔望有司行香歲以春秋仲月上戊日合祭
於風雲雷雨山川壇新官蒞任以羊一豕一總祀本
縣應祀神祇於廟按舊時左衛柴溝西陽三堡各建
有城隍廟今俱存茲止
紀本城廟祀餘不備載

關帝廟

在城東南街萬曆四十三年建祭用春秋上戊
日並五月十三日 國朝雍正五年封帝君曾

祖為光昭王裕昌王成忠王即於廟內建三代啟聖祠
封光昭王裕昌王成忠王即於廟內建三代啟聖祠
同日并祭春秋祭帝殿牛一羊一豕一帛一爵三登
一銅一簠二簋二籩十豆十啟聖祠羊一豕一帛一爵三

爵三銅一簠二簋二籩二籩八豆八五月十三日祭帝用
牛一羊一豕一帛一爵三果品五一在城東大街成化十
帛三爵三果品五一在城東大街成化十
四年建居民修祀此係本城餘不備載

武廟

在城東南隅
神機庫南

龍王廟

在城北大街洪武二十六年建邑最敬龍神每
早祈禱輒應所在城堡俱有廟祀秋成後賽會

彌盛其尤著者花山龍神祠正德間永甯侯譚廣建
萬曆甲寅邑紳閻守素等重修仍舊文勒石記之

馬王廟

在城北街龍王廟後康熙三十六年建周禮春
祭馬祖夏祭先牧秋祭馬社冬祭馬步鄭元曰

馬祖天駟也先牧謂始養馬者馬社謂始乘馬者馬
步謂神為馬災害者按洪武初春秋遣大僕寺官合

祀之而於州縣皆為立廟軍衛資馬尤急故祀典重焉今驛廠營兵祀之

火神廟 在城東南大街正德五年建康熙五十四年重修

八蜡廟 在城西門外里許嘉靖年建

真武廟 一在城西北隅一在南甕城一在城北關

東嶽廟 在城西甕城洪武二十六年建

北嶽廟 在柴溝堡嘉靖初山水暴決水浪中若有怪物隱見壞民室廬堡人乃作北嶽廟鎮之至今水

患以息萬曆二十四年重修

聖母廟 有三一在城正西平頂山萬曆年建邑人張士範有記一在城內東南俗呼東奶奶廟一在城

丙西南俗呼西奶奶廟

白龍廟 城北栲栳山亢旱禱雨立應

黑龍廟 城西北二十里

表忠祠 在城東大街祀明太常卿岳公倫舊有賜祀久廢雍正五年口北道岳濬捐俸重建並置祀田

五十畝給後裔奉祀邑令吳琮有記

王公祠 在思惠門大街崇禎末邑民公建祀前明西路通判王公之震後奉文入名宦祠雍正八年

前令吳琮以其地易置節孝祠今僅存碑碣未泯云

路公祠 在迎恩門大街邑民公建祀通判路公光魁按亦無有存者

忠義祠

在城西大街雍正年知縣吳琮奉勅建祀唐孝子嚴濟寬明孝子宋疆都指揮李彬都指

揮陞任參將周鏜太常寺少卿岳倫浙江布政使李綸陝西黃甫川參將楊茂春原任翰林侍講張士範

每春秋戊日縣官致祭

節孝祠 在城西大街雍正八年知縣吳琮奉旨建祠
又同治十年知縣尋鑾晉於祠外建坊一座祭

日與忠義祠同

王公祠 在縣屬渡口堡公諱國楨字俊菴係上王莊人
明崇禎五年以都指揮兼理渡口堡操守僉事
保障一方生靈安堵因建專祠以祀
之國朝乾隆七年重修今碑碣尙存

寺觀

昭化寺 在城西大街洪武三十年重建正統十年重修

慶祥寺 卽今文昌書院

虎窩寺 城西三十里虎窩山之陽卽漢壽峰寺也相傳
明時有虎負嶋而居僧德玉卓錫其間虎避去

因改今名邑人張士範有記

懸空寺 左衛紅塘山結構精整飛簷複閣
嵌綴山腰遠望如懸雅稱名勝

永福寺 在柴溝堡

華巖寺 在左衛

地藏寺 一在城東北隅弘治己酉指揮王
通建一在柴溝堡正德二年建

安靜寺 在城西南隅

觀音寺 一在城西南街正德六年建一東觀音
寺在城東南一西觀音寺在城西南

臥佛寺 在城西南隅

紅交寺 在左衛紅塘溝舊時周德威塞
其上稱大王山今旗臺尙存

三大寺 在城東北隅

萬聖寺 在城西南隅

延聖寺 在城西南

崇陽寺

城西南二十里
正德元年建

竹林寺

城南四十里
一名千佛寺

水口寺

城西南隅

文昌閣

在縣城東南角跨雉堞為閣南向奉文帝北向奉魁星閣之下左右為僧房康熙三十四年知

縣祖允煥採彤家言捐俸建歲時諸生修祀雍正十三年知縣武一韓重修每年撥給官租十石為收焚

字紙之費又光緒二年知縣李葆貞重修建觀悟亭一座

玉皇閣

在城中迎恩街萬曆十年重建康熙十年重修

三元宮

城東北隅
正德年建

萬壽禪林

在城西南相傳金初建弘治年重修

正覺菴

城西南永樂二年建

鎮水塔

城西水溝山陽相傳建塔鎮水塔毀則水溢每年六月六日縣令備牲致祭

千佛塔

左衛城西北隅
塔高可十丈

天甯寺

城西北隅

馬王廟

在城東南隅建始年月未詳道光二十八年重修

觀音祠

在城東南隅建始年月未詳同治六年重修山長程燮奎有記


慈化寺

城北三十里許唐朝創建明嘉靖三年重修又國朝康熙四十七年重修寺外喬木參天望之

如塔故一曰塔寺



<p>天寧寺 北關 千佛塔 北關 龍木塔 北關</p>	<p>天寧寺 北關 千佛塔 北關 龍木塔 北關</p>
---	---



懷安縣志

李學先生代購

共4冊 2.00元

